



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. XV. An, & qualiter ignorantia culpabilis excuset à culpa inobservantiam
legis?

[urn:nbn:de:hbz:466:1-73031](#)

§. XV.

An, & qualiter ignorantia culpabilis excusat à culpa inobseruantiam legis?

^{878.} **A**nte responsonem not. ignorantiam, vel errorem in nobis existentem, dici *vincibilem*, quando est in nobis cum potentia habendi notitiam ejus, quod secluso talis potentiae usu ignoramus; seu quod ignoramus, aut falso cognoscimus, potentes, si voluissemus, scire, aut vere cognoscere. Hæc ignorantia potest esse in nobis vel circa, vel cum nostra culpa; & si est hoc secundo modo, dicitur *culpabilis*. Ad hoc autem (ut ignorantia dicatur *vincibilis*, & *simul culpabilis*) tria necessaria sunt 1. quod aliquo modo sit voluntaria; 2. quod vinci potuisse, & debuisse; 3. quod tunc victa non sit, ut pluribus expoluimus à n. 681. Ut autem ignorantia *vincibilis*, ita etiam *culpabilis* alia est *crassa*, & *supina*; alia *affectata*; alia nec *supina*, nec *affectata*, ut diximus n. 679. quibus positis: 3. quod quilibet ignorantia legis etiam *culpabilis*, inobseruantiam legis excusat à culpa tunc *imputabili*, quando talis inobservantia ponitur cum defectu omnis cognitionis de ipsis malitia; non tamen à culpa cause, in qua fuit prævisa, dum ea liberè ponetur. Ratio primæ partis est ex dictis, quia tunc, quando ponitur sine omni cognitione malitiae, nullam habet libertatem; secus, quando liberè posita est causa cum prævisione securitate inobservantiae, ex quo constat etiam ratio secundæ partis. V. dicta à n. 669. cum seq. & à n. 686.

^{879.} Ex dictis collig. 1. cùm dicitur in e. *Cognoscentes*, & c. *Ut animarum*, (de quibus n. 667.) quod ignorantia *crassa*, & *supina* non excusat à censuris per *Ordinariorum statuta decretis*, procedere in foro externo, quia præsumitur scientia, ut notavimus n. 670. non autem in foro conscientia, nisi quatenus inobservantia dicti statuti fuit voluntaria, consequenter prohibito statuti cognita; secus enim non foret libera. Collig. 2. operationem malam, securam ex ignorantia *culpabilis*, consequenter solum indirecte voluntariam, & in causa, non habere malitiam

Tom. I.

formaliter imputabilem, nisi ejus, in quo est liberè volita; ratio est ex n. 671. Collig. 3. quod conscientia irreprehensibiliter erratis, non evadat reprehensibilis, seu *culpabilis* per debitum sciendi, quod in re habet operans, si nullatenus sit cognitum, dum operatur. Ratio est à n. 672. & seq.

^{880.} Collig. 4. per culpam, à qua ignorantia *culpabilis* dicitur, inobservantiam legis, quæ subsecuta est ex ignorantia, non redi formaliter *imputabilem tunc*, quando ipsa ponitur; si, antequam hæc poneatur, fuit retractata per poenitentiam, fuisse tamen jam prius imputatam, quando liberè posita est illius causa; ratio est à n. 788. Collig. 5. opus malum ex ignorantia *culpabilis* subsecutum, *tunc*, quando sit cum defectu omnis cognitionis de malitia operis, non imputari *ad propriam malitiam*, quam habet in se; & *novam ultra malitiam cause*, in qua sola ponitur voluntaria; ratio est ex n. 690. Collig. 6. opus de se malum, subsecutum ex ignorantia *culpabilis*, *tunc*, quando ponitur, non redi formaliter voluntarium, & imputabile ad novam culpam, ultra culpam admissam in causa ignorantiae liberè posita, etiamsi ea culpa in admissione cause commissa *tunc*, quando ponitur opus, nondum sit retractata per poenitentiam; ratio est ex n. 689. 700. 708.

^{881.} Collig. 7. ignorantiam *vincibilem* successu temporis fieri posse *invincibilem*, & *inculpabilem*, consequenter excusantem à culpa noviter imputabili opus inde subsecutum ex tali ignorantia; constat ex n. 712. *cum seq.* quod verum est, licet culpa negligentiae prius commissæ non sit aboluta per poenitentiam ex n. 718. Collig. 8. cùm dicimus, operantem ex conscientia *vincibiliter ignorantem*, excusari à peccato formaliter, & noviter imputabili ad culpam, ultra culpam malitiae, quam afferit ejus causa liberè admissa, intelligi, quando opus ex illa securum ponitur extra statutum libertatis tam circa causam mali operis *inductivam*, quam circa ipsum opus; ratio est ex n. 727. Collig. 9. actum securum ex ignorantia (nulla scilicet præcedente cognitione de malitia objecti, vel obligatione procurandi scientiam debitam) sive ignorantia sit *inculpabilis*, sive *culpabilis*, in neutro casu habitorum ma-

D d 2

litiam

litiam ab objecto, formaliter imputabilem; secundus à causa, si ignorantia sit culpabilis; ratio est ex dict. à n. 777.

882. Collig. 10. ignorantiam inculpabilem, excusantem à peccato gravi, non tolli per quamcunque, etiam actualē cognitionem de malitia objecti, vel debito sciendi; ratio est ex n. 780. cūm possit quis, agnoscens opus esse malum, invincibiliter ignorare, quod sit grave malum, juxta n. cit. Collig. 11. axioma illud, scire, & scire debere, equiparantur, non valere in foro interno, nisi debiti aliqua actualis notitia præcesserit; ita Herdinck in M.S. de legibus, D. 3. Q. 2. quia fieri potest, quod nulla prorsus cogitatio tunc occurrit de tali delicto. Collig. 12. negandum esse, quod aliqui universaliter docent, imputari operanti eventum ad culpam, quoniam rei illicitæ dat operam; quia potest in ratione causæ esse invincibiliter ignorata; sic Vasquez D. 114. in 1. 2. c. 2. n. 3. consequenter eventus nec in se, nec in causa voluntarius esse. Et ideo hoc axioma: *eventus est in causa voluntarius*, non habet locum, nisi quando ipsius aliqua actualis notitia præcessit tempore, quo volebat operari. Vasquez cit. c. 3. n. 7.

883. Collig. 13. hoc axioma: *ignorantia facti, non juris excusat*, intelligendum de præsumptione fori externi, quod legum ritè promulgatarum ignorantiam in suis tribunalibus non admittit: at in foro interno utriusque ignorantia invincibilis excusat. Thomas Sanchez l. 1. in Decal. c. 10. n. 26. si revera adsit, vel adfuit in operante. Collig. 14. hoc assertum: *ignorantiam legum, vel statutorum ad aliquos particulare officium pertinentium, esse vincibilem*, nec excusare à peccato. non esse verum universaliter; alias enim in foro conscientiae non daretur in ulla officiis ulla juris ignorantia invincibilis, quod est contra experientiam; si enim potest dari in illis, quæ sunt Christiani hominis in genere, quare non etiam in casu particularis officii v.g. Advocati, Medici, &c. Sanchez cit. n. 23. Collig. 15. fieri posse, ut invincibilis ignorantia præceptioriatur ex actu peccaminoso, quod tunc solet fieri, quando obligatio vitandi hunc actum peccaminosum nec totaliter, nec particulariter nascitur ex obligatione

hoc præceptum sciendi; immo & si nascetur, fieri tamen potest, ut transgressor ad hanc circumstantiam non attendat; Vasquez in 1. 2. D. 120. c. 4. n. 12.

Collig. 16. infideles, qui nihil de fide audiérunt, posse Mysteria nostræ fidei invincibiliter ignorare; & hujusmodi non damnandos propter infidelitatem; sed alia peccata naturæ; unde si foret aliquis infidelis, qui legem naturæ observaret, hunc Deus in fide illuminabit juxta dictum Joan.

I. Deus illuminat omnem hominem venientem in hunc mundum; ita P. Henricus Herdinck in M.S. de Legib.

D. 3. Q. 2. ex Lugonis M. S. de gratia.

Collig. 17. posse etiam inter Fideles dari ignorantiam invincibilem aliquorum Mysteriorum fidei; quia fieri potest, quod nullum illis actualē motivum occurrit ad investiganda illa inducens. Hoc in rudioribus non videtur improbabile: idem

à fortiori dicendum de hæreticis, qui inter nullos Catholicos habitant; & hi pariter non damnabuntur propter defectum fidei, sed ob alia peccata mortalia, quæ commiserunt; Vasquez in 1. 2. q. 76. a

2. D. 3. Collig. 18. non posse dati ignorantiam invincibilem circa principia juris

naturæ per se nota, ut sunt: *bonum esse faciendum, malum fugiendum; quod tibi non vis fieri, alteri ne feceris &c.*

Herdinck loc. cit. Inter hæc etiam numerantur illa præcepta Decalogi, quæ ex hujusmodi principiis nullo negotio à quovis homine possunt deduci, ut sunt: *dari Deum, Deum esse colendum, honorandos genitores, &c.*

De reliquis quoque docent communiter Doctores, licet aliquando,

ad longum tamen tempus, aut per totam vitam dari non posse invincibilem ignorantiam;

sunt enim ita legibus naturæ consentanea, ut impossibile videatur, transgressiones eorum nunquam ullam illiciti cogitationem causare, nisi forte, quod fieri posset, aliqua apparenti ratione vestiantur, qualis foret: *furtum esse licitum ad erogandam eleemosynam, vitam suam, vel alienam tutandam: licitum esse mendacium ad assequendum aliquod bonum.*

Vasquez cit. D. 122. c. 2.

Collig. 19. universaliter eum, qui non

agnoscit ullo modo rem, quam habet, aut

facit, esse prohibitam, nec reflexè cognoscit, se teneri ad inquirendum, aut dubi-

tandum,

tandum, an sit prohibita; & in casu, quo hoc cognovit, egitque, quod debuit, atque occurrens dubium prudenter deposuit, immunem esse ab omni culpa formali, licet fieri possit, ut materialiter peccet, id est, ea committat, quae ex natura sua sunt quidem peccata, sed hic & nunc illi ad culpam propter ignorantiam, inconsiderationem, aut oblivionem invincibilem non imputantur. Huic corollatio adde probabilem doctrinam, quam cum multis aliis docet Arriaga D. 13. de actib. hum. subsec. 2. à n. 27. non sufficere ad mortalem transgressionem, praeconoscere, quod res sit prohibita: sed cognosci debere, quod sit graviter prohibita. Nam ratio malitiae, communis mortali, & veniali, non est sufficiens ad mortalem malitiam; cum aliam non possit inducere, vel refundere, nisi quam proponit; haec autem, quae proponitur, ut ponit casus, non sit mortal is, sed communis mortali, & veniali, non est, unde contingat, fieri mortale, si quis ex malitia sub ratione generica proposita operetur. Hanc sententiam etiam tenet Ant. Escobar in princip. Theol. moral. exam. 2. de act. hum. c. 6. n. 13. quia voluntas est imperfecta in genere mali.

886. Argumenta, quae contra hanc sententiam fiant, desumuntur à periculo, cui se quis exponit transgrediendi legem graviter obligantem, ad quod haec sententia facile potest respondere dicendō: nullum esse periculum formalis transgressionis rei graviter prohibite; de materiali non esse curandum, paritate sumptū ab aliis materiaiis, eò quod materialis transgressio non sit formalis Dei offensa, nec animæ ruita; sic illi, utique loquentes in eo sensu, quo verum est, non esse offensam formaliter imputabilem secundum rationem ignorantia mali. Potest etiam idem argumentum de periculo sic contra illos retorqueri: forte periculum nullum adest, eò quod res, cum malitia generica proposita, possit esse in se non nisi leviter mala; in quo casu non erit periculum legem graviter obligantem transgrediendi.

887. Ad extremum not. quod, cum, ut dictum est, non qualibet cognitio actualis de malitia objecti, vel debito sciendi (nul liceat exercere opus hic & nunc exercendum?) sufficiat, ut ignorantia, inducta

per negligentiam admissam in procuranda notitia, sit mortaliter culpabilis; sed requiratur ea, quae sufficiat, ut actus sit perfectè deliberatus, Doctores communiter cum Sanchez cit. t. 10. n. 10. & aliis ibidem, assignent sequentia indicia, ex quibus prudenter colligere quis possit, se non processisse cum ea notitia ad peccatum grave necessaria.

Primum est, lumen rationis ex vehementissima distractione, vel passione ita turbatum, ut tenue censeatur pro forma plena consideratione de malitia, aut obligatione objecti; Secundum, quando solum in genere appetat malum, nec advertitur ad gravitatem, vel levitatem; Talis enim consideratio (cum solum continet rationem mali, communem veniali, & mortali peccato) non est sufficiens ad constitandum, vel considerandam plenè malitiam peccati, vel gravitatem; Tertium, quando in cognitione est defectus firmitatis, eò quod ex levi conjectura, vel cum notabili formidine procedat; ita Almainus, Corduba, Angestus, cit. à Vazquez in t. 2. D. 107. c. 4. n. 11. Quartum, quando quis ita advertit malitiam, ut semi à somno excitati, Sanchez cit. t. 1. n. 10. Quintum, cum quis ex aliqua praesenti cognitione objectum ita quidem advertit, aut posset advertere, ut illud executere queat, non tamen ita faciliter, quoniam nondum ita plenè cernit, in quoniam, vel quali in motu sensualitatis hæreat? Valentia in t. 2. q. 9. p. 3. D. 6.

Not. 2. ut quis possit manere inculpabiliter ignorans, cum tempore impletionis præcepti occurrit aliqua cogitatio de ipsius obligatione vel operis malitia, requiri, quod ea prius prudenter deponatur sic, ut habeat se operans æqualiter in foro conscientiae, ac si ea nunquam occurisset, intellige quoad conscientiam, ex qua procedit actus. Potest haec cogitatio esse facti, vel juris, seu vel de facto, vel de jure. De jure erit, quando existentiati legis, aut prohibitionis habet pro objecto; de facto, quando supposita legis, aut prohibitionis notitia versatur circa aliquod factum individuum, quod aliter, quam ante cognitum erat, nunc illi proponitur.

Potissima vero difficultas est, quam diligentiati quis adhibere teneatur, ut dicatur,

catur, *citra reprehensionem*, adhuc ignorare id, circa quod illa cogitatio aliquid vel de malitia, vel de obligatione indagandi, an h̄c, & nūc operari liceat, motivit? Ad hoc respondent Doctores communiter, quando cogitatio occurrentis est *circa factum*, pro illa prudenter deponenda, potissimas esse regulas sequentes. Prima est, non requiri summam diligentiam ad indagandam veritatem ejus cogitationis. Quia jubemur declinare à malo, & facere bonum, non tamen optimum; hoc enim est tantum consilij. Hinc illa diligentia sufficit, quæ in similibus circumstantiis solet à prudentibus adhiberi.

891. Secunda, quod juxta qualitatem facti, & pondus rationis occurrentis debeat esse major, vel minor diligentia. Tertia, quod ratio, per illam cogitationem occurrentis, debeat esse particularis, id est, cum hoc facto particulariter connexa. Universales enim non probant; quia ex illis de hoc, vel illo facto non potest institui prudens consultatio. Res patet exemplò: multis homines avaritia induxit ad injustos contractus; ergo & Perfum. Multis amor proprius cauſavit conscientias invincibiliter ignorantibus; ergo & huic. Multi ex pudore reticent in confessione peccata; ergo & iste censere debet, vel potest, se aliquando aliquid reticuisse, cum habeat eandem naturalem verecundiam. Multi existimārunt, se prudenter agere, & non egerunt; ergo & iste debet de se sic existimare. Hæc & similia s̄pē occuruntur, turbantque invincibilem, quam quis habet, ignorantiam; sic Bresserus de *conscientia dubia*, c. 16.

892. Quarta, & præcipua regula est hæc: sufficientia hujus diligentiae debet à judicio prudentum ultimate desumi, quod vel ex eorum libris, vel oretenus, vel ex præsumptionibus juris, quæ sunt eorum effata; vel ex factis, quoties cum doctrina timoratam vitam conjungunt, solemus ab ipsis accipere.

893. Respondent 2. quando cogitatio occurrentis est juris, vel de jure, utrum lex sit lata? quomodo intelligenda? quæ hujus, vel illius officij obligationes sint? & similia, præter regulas supradictas ad deponendam occurrentem cogitationem, hanc esse potiorem, quæ dicit, quod consulendi sint periti in arte, qui similia tra-

ctaverint officia, vel eorum libros; hinc in medicina consulendus peritus Medicus, in juridica Jurista &c. Rudiores tamen posse stare judicio sui Parochi in omnibus occurrentibus, quod non possunt cives, mercatores, nobiles, quos non raro causis difficultiores certum est habere. Parochi autem non possunt prudenter præsumi similia extraordinaria exactè callere, præsertim in minoribus locis. Sed de his plura in sequentibus.

§. XVI.

Quid dicendum de ignorantia, quæ non potest vinci, dum operans in actum prodit?

Causa est iste: aliquis ex culpa mortali in eum statum incidit, ut non possit dubitationem, v. g. quam prius habuit de peccatis non ritè confessis, vincere. Alius in eum statum per mortale incidit, ut non possit amplius scire ea, quæ ratione sui officij obligaretur scire; aliis ex culpa mortali inebriatur, & ebrius peccata committit, quæ defectu libertatis non potuit evitare. De his queritur, utrum facta in statu impotentia à culpa excusatentur?

Resp. 1. quæcumque mala, dum ignorantia vinci potuit, fuerunt sufficienter proposita, & tamen per mortalem negligentiam non impedita, insciunt malitia suâ omnes actus, & supradicta negligencia subsequentes propterea, quod in causa liberè posita censeantur liberè volita; quod voluntarium appellant Doctores, indirectum.

Resp. 2. eum, qui tunc temporis, quo consensit in ebrietatem, vel quo prævidit se inebriandum, non habuit tillam cogitationem sibi occurrentem de peccatis in ebrietate ab ipso fieri solitis, nequaquam peccare per actus subsequentes in ebrietate commissos; quia sic nec in se, nec in causa sunt liberè voliti, dum poneretur causa. Quod autem dico de ebrietate, idem dicendum de aliis occasionibus, oblivione, ignorantia, &c.

Not. tamen, hoc, quod passim Doctores ajunt de ebrietate, & similibus impedimentis, non esse universaliter verum, sed accipi in hoc sensu: quod ea, quæ quis s̄pē facit, soleant non raro ante factum occurre-